



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆ
ԱՌՈՂՋԱՊԱՀԱԿԱՆ ՊԵՏԱԿԱՆ ՏԵՍՉՈՒԹՅՈՒՆ
ԵՐԵՎԱՆԻ ՔԱՂԱՔԱՅԻՆ ԿԵՆՏՐՈՆ
ՊԵՏ

«15» հունիսի 2016թ.

0001, ՀՀ ք.Երևան, Սայաթ-Նովա պող. 2

☎ (374-10) 58-90-34

Էլ. փոստ. erevan-center@moh.am

Որոշում N 065

Վարչական տրույթ նշանակելու մասին



ՀՀ ԱՆ աշխատակազմի Առողջապահական պետական տնտեսական Երևանի քաղաքային կենտրոնի պետ Արտաշես Բեյբությանս ուսումնասիրելով.

1. 23.05.16թ. թիվ 288873-16 վարչական վարույթ հարուցելու վերաբերյալ ծանուցումները
2. 23.05.16թ. թիվ 288878-16 զննում իրականացնելու վերաբերյալ որոշումը
3. 31.05.16թ. թիվ 290127-16 փորձագետ նշանակելու մասին որոշումը
4. 31.05.16թ. ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ «Ակուստիկայի գիտական կենտրոն» մասնաճյուղի աղմուկի չափման թիվ 17, 17/1, 17/2 և թրթռման (վիբրացիայի) չափման թիվ 17/3 արձանագրությունները
5. 03.06.16թ. ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ Երևանի թիվ 4 մասնաճյուղի թիվ 351 և թիվ 352 փորձագիտական եզրակացությունները
6. 06.06.16թ. թիվ 062 վարչական իրավախախտման վերաբերյալ արձանագրությունը
7. 06.06.16թ. թիվ 291288-16 վարչական իրավախախտումների վերաբերյալ գործի քննությանը մասնակցելու վերաբերյալ ծանուցումը.

Պարզեցի

1. Նկարագրական մաս

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետը և հաշվի առնելով ք. Երևան, Սունդուկյան փողոց 9 շենքի թիվ 27 բնակարանի բնակիչ Լալա Քարտաշյանի դիմումը՝ ք. Երևան, Սունդուկյան փողոց 9 հասցեում գործող «Եվա և Սյուզի» ՍՊ ընկերությանը պատկանող «Շիրակ» մթերային խանութի օդափոխության համակարգի և սառնարանային սարքավորումների աշխատանքի արդյունքում առաջացող աղմուկի և թրթռման (վիբրացիայի) վերաբերյալ, հայտնում եմ, որ ՀՀ ԱՆ աշխատակազմի առողջապահական պետական տեսչությունում 2016 թվականի մայիսի 23-ին հարուցվել է վարչական վարույթ՝ ՀՀ առողջապահության նախարարի 2002 թվականի մարտի 06-ի թիվ 138 հրամանով հաստատված «Աղմուկն աշխատատեղերում, բնակելի և հասարակական շենքերում և բնակելի կառուցապատման տարածքներում» N2-III-11.3 սանիտարական նորմերի 5.3-րդ կետի աղյուսակ 3-ի 4-րդ կետով և ՀՀ առողջապահության նախարարի 2006 թվականի մայիսի 17-ի թիվ 533-Ն հրամանով հաստատված «Աշխատատեղերում, բնակելի և հասարակական շենքերում թրթռման (վիբրացիայի)» N2.2.4-009-06 հիգիենիկ նորմերի 6-րդ գլխի 6.1 կետով սահմանված պահանջների պահպանումը պարզելու նպատակով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասը, հարուցված վարչական վարույթի շրջանակներում 2016 թվականի մայիսի 31-ին ժամը 20⁰⁰-22⁰⁰-ի սահմաններում ք. Երևան, Սունդուկյան փողոց 9 հասցեում գործող «Եվա և Սյուզի» ՍՊ ընկերությանը պատկանող «Շիրակ» մթերային խանութում և ք. Երևան, Սունդուկյան փողոց 9 շենքի թիվ 27 բնակարանում ՀՀ ԱՆ աշխատակազմի ԱՊՏ Երևանի քաղաքային կենտրոնի բժիշկ-հիգիենիստների կողմից իրականացվել է զննում, իսկ բնակարանում ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ փորձագետների կողմից կատարվել են աղմուկի մակարդակի և թրթռման (վիբրացիայի) մակարդակի գործիքային չափումներ:

ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ Երևանի թիվ 4 մասնաճյուղից 03.06.2016թ. ստացված թիվ 352 փորձագիտական եզրակացության համաձայն՝ «Եվա և Սյուզի» ՍՊ ընկերությանը պատկանող «Շիրակ» մթերային խանութի օդափոխության համակարգի և սառնարանային սարքավորումների գործունեության արդյունքում Սունդուկյան փողոցի թիվ 9 շենքի թիվ 27 բնակարանի ձայնի համարժեք մակարդակը T_2 , T_4 , T_6 , T_8 և T_9 կետերում (հյուրասենյակ) համապատասխանաբար 5 դԲԱ, 3 դԲԱ, 2 դԲԱ, 5 դԲԱ և 5 դԲԱ-ով, T_3 , T_8 և T_9 կետերում (ննջասենյակ 1) համապատասխանաբար 1 դԲԱ, 2 դԲԱ և 4 դԲԱ-ով, T_2 , T_3 , T_5 և T_6 , կետերում (ննջասենյակ 2) 1 դԲԱ, 3 դԲԱ, 2 դԲԱ և 4 դԲԱ-ով գերազանցում է ՀՀ առողջապահության նախարարի 2002 մարտի 06-ի N 138 հրամանով հաստատված «Աղմուկն աշխատատեղերում, բնակելի և հասարակական շենքերում և բնակելի կառուցապատման տարածքներում» N 2-III-11.3 սանիտարական նորմերի աղյուսակ 3-ի 4-րդ կետի պահանջները:

ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ Երևանի թիվ 4 մասնաճյուղից 03.06.2016թ. ստացված թիվ 351 փորձագիտական եզրակացության համաձայն՝ «Եվա և Սյուզի» ՍՊ ընկերությանը պատկանող «Շիրակ» մթերային խանութի օդափոխության համակարգի և սառնարանային սարքավորումների գործունեության արդյունքում Սունդուկյան փողոցի թիվ 9 շենքի թիվ 27 բնակարանի կատարված թրթռման (վիբրացիայի) չափումների արդյունքում՝ թրթռման (վիբրացիայի) արագացման ճշգրտված մակարդակները T_4 և T_6 կետերում (ննջասենյակներ) համապատասխանաբար 20 դԲ-ով և 2 դԲ-ով գերազանցում են ՀՀ առողջապահության նախարարի 2006 մայիսի 17-ի N 533-Ն հրամանով հաստատված «Աշխատատեղերում, բնակելի և հասարակական շենքերում թրթռման (վիբրացիայի) հիգիենիկ նորմերը» N 2.2.4-009-06 ՀՆ 6.1 կետի աղյուսակ 7-ի պահանջները:

Ելնելով ք. Երևան, Սունդուկյան փողոց 9 շենքի թիվ 27 բնակարանում «Շիրակ» մթերային խանութի օդափոխության համակարգի և սառնարանային սարքավորումների աշխատանքի արդյունքում առաջացող աղմուկի և թրթռման մակարդակի գործիքային չափումների արդյունքներից՝ 2016 թվականի հունիսի 06-ին կազմվել է վարչական իրավախախտման վերաբերյալ թիվ 062 արձանագրությունը:

Հարուցված վարչական վարույթի բազմակողմանիությունը, օբյեկտիվությունն ու լրիվությունն ապահովելու նպատակով 2016 թվականի հունիսի 15-ին ժամը 11:00-ին ՀՀ ԱՆ աշխատակազմի ԱՊՏ Երևանի քաղաքային կենտրոնում (ք. Երևան, Սայաթ-Նովա 2) տեղի ունեցավ վարչական իրավախախտման վերաբերյալ գործի քննություն:

ՀՀ ԱՆ աշխատակազմի ԱՊՏ Երևանի քաղաքային կենտրոնի իրավախորհրդատու Լուսինե Մուրադյանը ներկայացրեց հարուցված վարչական վարույթի նյութերը և մասնակիցների կազմը: Վարչական իրավախախտման վերաբերյալ գործի քննությունն անցկացրեց ՀՀ ԱՆ աշխատակազմի ԱՊՏ Երևանի քաղաքային կենտրոնի պետ Արտաշես Բեյբությանը, մասնակցում էին ՀՀ ԱՆ աշխատակազմի ԱՊՏ Երևանի քաղաքային կենտրոնի հիգիենայի բաժնի պետ Ռուբիկ Բադալյանը, բժիշկ-հիգիենիստներ Աշոտ Խարբերթյանը, Սուսաննա Սարուխանյանը, ք. Երևան, Սունդուկյան փողոց 9 շենքի թիվ 27 բնակարանի բնակիչ Լալա Քարտաշյանը:

Բժիշկ-հիգիենիստ Աշոտ Խարբերթյանը նշեց, որ 2016 թվականի հունիսի 06-ին կազմված վարչական իրավախախտման վերաբերյալ թիվ 062 արձանագրությունը գործի քննությանը մասնակցելու վերաբերյալ ծանուցագրի հետ միասին «Եվա և Սյուզի» ՍՊ ընկերության տնօրեն Գոռ Գևորգյանին առձեռն հանձնելու նպատակով 2016 թվականի հունիսի 07-ին այցելել է ք. Երևան, Սունդուկյան փողոց 9 հասցեում գործող «Շիրակ» մթերային խանութ: Խանութի մենեջեր Արմեն Ղազարյանը նրան հայտնել է, որ «Եվա և Սյուզի» ՍՊ ընկերության տնօրեն Գոռ Գևորգյանը բացակայում է քաղաքից: Աշոտ Խարբերթյանը մենեջեր Արմեն Ղազարյանին բանավոր ծանուցել է վարչական իրավախախտման վերաբերյալ թիվ 062 արձանագրության և գործի քննության անցկացման տեղի ու ժամանակի մասին: Աշոտ Խարբերթյանի ներկայությամբ մենեջեր Արմեն Ղազարյանը հեռախոսազրույց է ունեցել Գոռ Գևորգյանի հետ, սակայն վերջինս արգելել է Արմեն Ղազարյանին ստանալ վարչական իրավախախտման վերաբերյալ արձանագրությունն ու գործի քննությանը մասնակցելու վերաբերյալ ծանուցագիրը: Նույն օրը վարչական իրավախախտման վերաբերյալ թիվ 062 արձանագրությունը գործի քննությանը մասնակցելու վերաբերյալ ծանուցագրի հետ միասին պատվիրված նամակով փոստային առաքմամբ ուղարկվել է «Եվա և Սյուզի» ՍՊ ընկերության տնօրեն Գոռ Գևորգյանին (կոդ՝ RR211449833AM): Չստանալով

պատվիրված նամակի ստացման/հանձնման ծանուցագիրը՝ նամակի հանձնման վերաբերյալ տեղեկություն ստանալու նպատակով 13.06.2016թ. Աշոտ Խարբերթյանն այցելել է «Հայփոստ» ՓԲ ընկերության թիվ 12 փոստային բաժանմունք, որտեղ փոստատար Սամվել Մարտիրոսյանից տեղեկացել է, որ վերջինս պատվիրված նամակը Գոռ Գևորգյանին հանձնելու նպատակով երկու անգամ այցելել է ք. Երևան, Սունդուկյան փողոց 9 հասցեում գործող «Շիրակ» մթերային խանութ, սակայն տնօրենը տեղում չի եղել, իսկ մենեջեր Արմեն Ղազարյանը հրաժարվել է նամակը ստանալուց: Նույն օրը ժամը 10:45-ին Աշոտ Խարբերթյանը փոստատար Սամվել Մարտիրոսյանի հետ միասին այցելել է «Շիրակ» մթերային խանութ: «Եվա և Սյուզի» ՍՊ ընկերության տնօրեն Գոռ Գևորգյանը ներկա է գտնվել խանութում և հրաժարվել է փոստատար Սամվել Մարտիրոսյանից ստանալ պատվիրված նամակը: Աշոտ Խարբերթյանը Գոռ Գևորգյանին բանավոր ծանուցել է վարչական իրավախախտման վերաբերյալ թիվ 062 արձանագրության և գործի քննության անցկացման տեղի ու ժամանակի մասին: Վերոնշյալ հանգամանքների վերաբերյալ բժիշկ-հիգիենիստ Աշոտ Խարբերթյանի կողմից 13.06.2016թ. կազմվել է գրավոր արձանագրություն:

«Եվա և Սյուզի» ՍՊ ընկերության տնօրեն Գոռ Գևորգյանը, ծանուցված լինելով վարչական իրավախախտման վերաբերյալ թիվ 062 արձանագրության և գործի քննության անցկացման տեղի ու ժամանակի մասին, գործի քննությանը չի ներկայացել:

Բժիշկ-հիգիենիստ Սուսաննա Սարուխանյանը ներկայացրեց 2016 թվականի մայիսի 31-ին ժամը 20⁰⁰-22⁰⁰-ի սահմաններում ք. Երևան, Սունդուկյան փողոց 9 հասցեում գործող «Եվա և Սյուզի» ՍՊ ընկերությանը պատկանող «Շիրակ» մթերային խանութում և ք. Երևան, Սունդուկյան փողոց 9 շենքի թիվ 27 բնակարանում իրականացված զննման, ինչպես նաև նշված բնակարանում կատարված աղմուկի մակարդակի և թրթռման (վիբրացիայի) մակարդակի գործիքային չափումների արդյունքները:

Ք. Երևան, Սունդուկյան փողոց 9 շենքի թիվ 27 բնակարանի բնակիչ Լուսինա Քարտաշյանը նշեց, որ «Շիրակ» մթերային խանութի օդափոխության համազարգի և սառնարանային սարքավորումների աշխատանքի արդյունքում առաջացող աղմուկը խանգարում է իր հանգիստը հատկապես գիշերային ժամերին:

2. Պատճառաբանական մաս

Վարչական մարմինը հաստատված է համարում, որ ք. Երևան, Սունդուկյան փողոց 9 հասցեում գործող «Եվա և Սյուզի» ՍՊ ընկերությանը պատկանող «Շիրակ» մթերային խանութի օդափոխության համակարգի և սառնարանային սարքավորումների աշխատանքի արդյունքում առաջացող աղմուկի և թրթռման (վիբրացիայի) մակարդակները գերազանցում են ՀՀ առողջապահության նախարարի 2002թ. մարտի 06-ի N 138 հրամանով հաստատված «Աղմուկն աշխատատեղերում, բնակելի և հասարակական շենքերում և բնակելի կառուցապատման տարածքներում» N2-III-11.3 սանիտարական նորմերի աղյուսակ 3-ի 4-րդ կետով և ՀՀ առողջապահության նախարարի 2006 թվականի մայիսի 17-ի թիվ 533-Ն հրամանով հաստատված «Աշխատատեղերում, բնակելի և հասարակական շենքերում թրթռման (վիբրացիայի)» N2.2.4-009-06 հիգիենիկ նորմերի 6-րդ գլխի 6.1 կետով սահմանված թույլատրելի մակարդակները (հիմք՝ ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ Երևանի թիվ 4 մասնաճյուղի 03.06.16թ. թիվ 351 և թիվ 352 փորձագիտական եզրակացություններ):

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն «Վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին»:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է «Եվա և Սյուզի» ՍՊ ընկերության տնօրեն Գոռ Գևորգյանը: Վերջինիս կողմից վարչական իրավախախտում կատարելու մեջ առկա չեն վարչական պատասխանատվությունը մեղմացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ «Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների եւ ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն»:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ «Պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ»: Նշված հոդվածից հետևում է, որ Գոռ Գևորգյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես «Եվա և Սյուզի» ՍՊ ընկերության տնօրեն՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասի համաձայն՝ սանիտարական, սանիտարահիգիենիկ և սանիտարահակահամաճարակային կանոնները և նորմաները (բացի մթնոլորտային օդի պահպանության կանոններից և նորմաներից), հիգիենիկ նորմատիվները խախտելը առաջացնում է տուգանքի նշանակում պաշտոնատար անձանց նկատմամբ՝ քառասնապատիկից մինչև հարյուրքսանապատիկի չափով:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 42-րդ հոդվածի 1-ին մասով, 279, 281, 283-րդ հոդվածներով և 282-րդ հոդվածի 1-ին մասով՝

Որոշեցի

1. «Եվա և Սյուզի» ՍՊ ընկերության տնօրեն Գոռ Գևորգյանին ենթարկել վարչական տույժի՝ 80.000 (ութսուն հազար) ՀՀ դրամ վարչական տուգանք:

2. Սույն որոշումը ծանուցել «Եվա և Սյուզի» ՍՊ ընկերության տնօրեն Գոռ Գևորգյանին:

3. Սույն որոշումը կարող է բողոքարկվել այն ստանալու օրվանից 30 օրյա ժամկետում ՀՀ ԱՆ աշխատակազմի առողջապահական պետական տեսչության կառավարման խորհրդին կից գործող բողոքարկման հանձնաժողովին կամ դատական կարգով՝ ՀՀ վարչական դատարանին ՀՀ վարչական դատավարության օրենսգրքով սահմանված կարգով և ժամկետներում:



ԱՐՏԱՇԵՍ ԲԵՅՐՈՒԹՅԱՆ

Ինչ. բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի տուգանքը պետք է վճարվի իրավախախտողի կողմից տուգանքը նշանակվելու մասին որոշումը հանձնվելու օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետքյուջեի հաշվի համարը՝ ՀՀ առողջապահության նախարարության կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Որոշումը կազմված է 2 օրինակից:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, անդորրագրի, փոստային ծանուցագրի համարը)